



ԽԱՂԱՂՈՒԹՅԱՆ ՀԱՄԱՐ ՊԱՅՔԱՐՈՂՆԵՐԻ ՃԱԿԱՏՈՒՄ

ԽԱՂԱՂՈՒԹՅԱՆ ՀԱՄԱՇԽԱՐՀԱՅԻՆ ԽՈՐՀՐԴԻ ԴԵԼԵԳԱՑԻԱՅԻ ՀԱՂՈՐԴՈՒՄԸ

Խաղաղության Համաշխարհային Խորհրդի ղեկավարացիան, որն այցելել է ՄԱԿ-ի Գլխավոր Ասամբլեայի նախագահին, հաղորդում է.

«ՄԱԿ-ի Գլխավոր Ասամբլեայի նախագահ պարոն Պադիլյո Ներվոն այսօր ժամը 16-ին ընդունեց Խաղաղության Համաշխարհային Խորհրդի ղեկավարացիան, որի կազմումն են Խաղաղության Համաշխարհային Խորհրդի նախագահ Ֆրեդերիկ ժոլիո-Կյուրին, Խաղաղության Համաշխարհային Խորհրդի փոխ-նախագահներ Էժենի Կոտտոնը և Պյետրո Նենինին ու Խաղաղության Համաշխարհային Խորհրդի Բյուրոյի անդամներ Իվաբեկու Բլյումը, պրոֆեսոր Անդրե Բոննարը, Պյեր Կոտը և Իվ Ֆարժը:

Խաղաղության Համաշխարհային Խորհրդի

ղեկավարացիան պարոն Պադիլյո Ներվոյին հանձնեց Խաղաղության Համաշխարհային Խորհրդի Վիեննայի սեսիայում ընդունված բանաձևերը և, մասնավորապես, միաժամանակյա ու վերահսկվող զինաթափման վերաբերյալ բանաձևը:

Պարոն Պադիլյո Ներվոն հետաքրքրություն արտահայտեց Խաղաղության Համաշխարհային Խորհրդի միջոցառումների նկատմամբ:

Հանդիպումը ամենայն ակներևությամբ ցույց տվեց այն նշանակալից դերը, որ խաղում է հասարակական կարծիքը միջազգային պրոբլեմների քննարկման մեջ:

Փարիզ, 30 հունվարի, 1952 թվականին»:

ԽԱՂԱՂՈՒԹՅԱՆ ՊԱՇՏՊԱՆՈՒԹՅԱՆ ՍՈՎԵՏԱԿԱՆ ԿՈՄԻՏԵՈՒՄ ԵՎ

ՍՍՌՄ ԳՐՈՂՆԵՐԻ ՄԻՈՒԹՅՈՒՆՈՒՄ

ՖՐԱՆՍԻԱԿԱՆ ՄԵԾ ԳՐՈՂ Վ. ՀՅՈՒԳՈՅԻ ԾՆԵԳՅԱՆ 150-ԱՄՅԱԿ ԱՆՑԿԱՑՆՈՂ ՀԱՄԱՄԻՈՒԹՅՆԱԿԱՆ ԿՈՄԻՏԵԻ ՍՏԵՂՈՒՄԸ

Խաղաղության Համաշխարհային Խորհրդի Վիեննայի սեսիայի որոշմամբ, սույն թվականի փետրվարի 26-ին բոլոր երկրներում կնշվի ֆրանսիական մեծ գրող Վիկտոր Հյուգոյի ծննդյան 150-ամյակը: Այդ կուլտուրական լայն միջոցառումը, նույնպես ուրիշ միջոցառումների շարքում, նպատակ է դնում ժողովուրդների միջև կուլտուրական կապի հետագա զարգացումը հօգուտ ամբողջ աշխարհում խաղաղության ամրապնդման շահերի:

Խաղաղության պաշտպանության Սովետական կոմիտեն և Սովետական գրողների միությունը կազմեցին Վիկտոր Հյուգոյի ծննդյան 150-ամյա տարեդարձը ՍՍՌՄ-ում անցկացնող Համամիութենական կոմիտե:

Համամիութենական կոմիտեի կազմի մեջ մտան. Ա. Ա. Ֆադեևը, ՍՍՌՄ Սովետական գրողների միության գլխավոր քարտուղարը (կոմիտեի նախագահ), Ի. Գ. Էրենբուրգը (կոմիտեի նախագահի տեղակալ), Մ. Ա. Շոլոխովը՝ գրող, Կ. Մ. Սիմոնովը՝ ձկտե-

րատուրնայա գաղետա»-ի գլխավոր խմբագիր, Միկոլա Բաժանը՝ գրող (Ուկրաինական ՍՍՌ), Է. Յա. Սմիլգիսը՝ ՍՍՌՄ ժողովրդական արտիստ (Հատվիական ՍՍՌ), Ի. Ի. Անխիմովը՝ պրոֆեսոր, Ի. Ա. Կաիրովը՝ ՌՍՖՍՌ Մանկավարժական գիտությունների ակադեմիայի պրեզիդենտ, Ա. Ս. Իսահակ-

յանը՝ բանաստեղծ (Հայկական ՍՍՌ), Ա. Ա. Յաբլոչկինան՝ ՍՍՌՄ ժողովրդական արտիստուհի, Վ. Ի. Պուգովկինը՝ կինոռեժիսոր, Ա. Ա. Խորավան՝ ՍՍՌՄ ժողովրդական արտիստ (Վրացական ՍՍՌ), Տ. Լ. Շչեպկինա-Կուպերնիկը՝ ՌՍՖՍՌ արվեստի վաստակավոր գործիչ:

ԽԱՂԱՂՈՒԹՅԱՆ ԿՈՂՄՆԱԿԻՑՆԵՐԻ ՀԱՆՁՆԱԺՈՂՈՎԻ ԿՈՄՅՈՒՆԻԿԵՆ

Խաղաղության կողմնակիցների ամերիկյան կոնտինենտալ կոնգրեսի նախապատրաստման ամերիկյան նախաձեռնող կոմիտեի բյուրոն հրապարակվել է մի կոմյունիկե, որն ստացվել է կոնգրեսի Ռիո-դե-ժանեյրոյում գտնվող նախաձեռնող հանձնաժողովից: Կոմյունիկեում ասվում է, որ կոնգրեսը տեղի է ունենալու մարտի 11-ից մինչև 16-ը, թեև դեռևս չի որոշվել, թե ամերիկյան ո՞ր երկրում, նկատի առնելով, որ այն արգելվեց Բրազիլիայում: Նշվում է, որ խաղաղության կողմնակիցների կոնտինենտալ կոնգրես հրավիրելու շարժումը զարգացիլ է որպես խաղաղության նկատմամբ

ամերիկյան ժողովուրդների խորին ձգտման արտահայտություն՝ ընդդեմ նոր համաշխարհային պատերազմի սպառնալիքի: Կոնգրեսի նպատակները նրանց չեն կապում որևէ քաղաքական պարտիայի կամ կրոնի հետ, և կոնգրեսը «ենթադրված չի լինելու որևէ որոշակի երկրի, կառավարության կամ սոցիալական խմբի»:

Մենք վստահ ենք, ասվում է կոմյունիկեում, որ խաղաղության կողմնակիցների վոնտինենտալ կոնգրեսը կարող է տեղի ունենալ նշված ժամկետին ամերիկյան մայրցամաքի երկրների խոշոր քաղաքներից մեկում:

